

Cuira, 4-1-2010

Communicaziun a las medias

IN MUND PREZIUS cun musica da jazz Lia Rumantscha e "kultchur" festiveschan giubileum

La Lia Rumantscha - in'organisaziun cun lunga tradiziun - ed il giuven magazin "kultchur" festiveschan ensemen giubileum, venderdi, ils 8 da schaner 2010 a partir da las 19.30 en la Café-Bar dal Teater da la citad Cuira.

La sairada culturala bilingua rumantsch-tudestga fa part da las activitads da giubileum da "90 onns Lia Rumantscha". Ultra da quai dat l'occurrenza l'avertura a la tschintgavla annada dal magazin "kultchur" che cumpara il 2010. Festivà vegn il giubileum da 90 respectivamain da tschintg onns cun Ursina Giger, musicista da jazz, e cun l'artist Gioni Defuns. Defuns ch'è oriund da Trun/Darvella ha creà il purtret IN MUND PREZIUS aposta per las activitads da giubileum da la Lia Rumantscha. Il purtret simbolisescha la custaivladad da noss linguatg matern, il rumantsch. Il maletg original vegn reproduci en in'ediziun limitada. Las reproducciuns èn da valur litografic-digitala fitg auta, vegnan stampadas sin taila da glin e tratgas sin ina contura da lain per pender vi da la paraid. En ina concorrenza en l'ediziun d'enviern dal magazin "kultchur" han ins pudì gudagnar ina tala litografia. L'artist persunalmain surdat l'ovra a la victura / al victur a chaschun da l'occurrenza, venderdi, ils 8 da schaner 2010.

Il magazin "kultchur" è in medium da print modern che vegn distribuì quatter giadas l'onn a tut las chasadas da Cuira. Cun sias interessantas rubricas sco p.ex. istorgia da la citad, novitads, cultura e subcultura fa il magazin la punt tranter tut las culturas e plinavant er las generaziuns ch'èn represchentadas en la citad. Uschia sa dat ina colliaziun interculturala er cun la gronda cuminanza rumantscha a Cuira.

Ursina Giger procura per la part musicala da la sairada che vegn moderada dad Andreas Gabriel. La musicista da Mustér sa preschenta ensemen cun in ghitarrist. En trais blocs preschenta Ursina Giger musica da jazz da different gener, tranter auter er atgnas cumposiziuns. En curtas intervistas vegnan tant Ursina Giger sco era Gioni Defuns a dar pled e fatg davart lur activitads artisticas.

L'occurrenza è publica, l'entrada libra. Aperò riche.

In'occurrenza en il rom da:

90 onns 
Lia Rumantscha

Contact per las medias:

Andreas Gabriel
manader communicaziun / medias
mob. +41 (0)79 650 83 89
andreas.gabriel@rumantsch.ch
www.liarumantscha.ch

Verena Zimmermann
Redaktionsleiterin Magazin "kultchur"
Cadonastrasse 72
CH-7000 Chur
Telefon ++41 (0)81 353 70 53
Mobile ++41 (0)76 545 91 65
facebook kultchur